

امور تحریر یہ ایچون فؤاد بکہ
وامور اداره ایچون آرتین افندی بہ
مراجعت اولنور۔

—

مسلکمزہ موافق آثار قبول اولنور۔
درج اولنمیان اوراق اعادہ اولنماز۔

مجلہ اولنور

اداره خانہ سی باب عالی جادہ سندہ
۵۲ نومرولی « شرکت مرتبہ »
مطبعہ سیدر۔

—

استانبول ایچون سنہ لکی مطبعہ دن
آلنق شرطیلہ ۴۰ طشرہ لره پوستہ
اجرتیلہ برابر ۶۰ غروشدر۔

نسخہ سی ۱ غروش

پنجشنبہ کونلری نشر اولنور ادبی، فنی و صناعی غزترہ در

نسخہ سی ۱ غروش

حمید و هې افندی؛ مکتب سلطانی فارسی معلی، شاعر بیدانی عزتو فیضی افندی؛ مکتب اعدادی، ملکیه ادبیات معلی، شاعر خوشکلام اسماعیل صفایک افندی و سائر اقدار قلیلیله تمیز ایتمشلردر.

ذکره شایان بر چوق ادیبه لرده ظهور ایتمشدر.

آمال مقدسیت اشتمال شاهانه لری دائماً تکثیر مکاتب و ترویج معارف مقصد خیر مرصدینه معطوف بولسان شهریار عالیتبار افندمن حضرتلرینک سایه مراحم و اشفاق خسروانه لرنده شو زمان سعد اقترانده نورسیدکان بناتده نعمت معارفدن حصه مند اولمده بولند قلدندن، ایچلرنده فضل و کمال ایله اشتهار ایدنلرده مع التشکر کورولمکده در. از جمله، جودت پاشا حضرتلرینک کریمه عفت و سیمه لری (فاطمه علیه) خانم افندی؛ «افسوس» نام منظومه رعنائک ناظمه سی، شاعر شیرین بیان، ادیبه دوران (نکار) خانم افندی؛ علم اخلاق و فلسفه یه متعلق مقبول اثرلیله اکتساب صیت و شان ایدن (مقبوله لمعان) خانم افندی؛ شهرت آتیه و مزایای ذاتیه سنه، آثار حاضره سی شاهد بولنان (ساله) خانم افندی، شاعر خانم لریمز میاننده عالی برنام قازانمشلردر. والحاصل، دور مسعود حضرت کیتی ستانی یه مصادف اولان شو زمان میمنت نشانده لسانمه کوزل شیوه لر، مقبول اصولار ادخال اولنبرق نقایصی اکمال ایدلش و بوساییده ادبیاتمز مرتبه قصوای ترقیه ایصال اولمشدر.



هجراڻ [۱]

فراش اضطرار بندن قالقدی. کونشک ایلک شعاعی قولبه نك «کلبه نك» اوافق پنجره سندن هنوز نفوذ ایتمش، قومرال صاچلرینی، وجه تابانی تنویر ایله مشدی. کوزلرنده لطیف... فقط حزن انکیز برنخورلق کورولور، چهره سنده کی تغییرات الیه دن، قلبنک برعذاب وجدانینک تحت تضییقنده بولندیغی آکلاشیلوردی. اوافاقق باشی، اک قاتی یورکلیلری اشکریز تأثر ایده جک بر صورتده، محزونانه صاغ اوهوزی اوزرینه تمایل ایتدی. چشمان لطافتفشانی بر نقطه مجهولیه انعطاف ایله دی. درین برکوکس کچیردی. بر آه تأثر دوداقلرینی یاقدی.

تفکراته دالیدی. بواشاده قولبه نك ایچنده طنین انداز اولان: — ناجیه صو کتیر!

صداسی تفکراتی خلیذیر ایتدی. صحرا پریمی، بو سماوی مخلوق والده سی طرفدن اولنان امری ایفا ایتک اوزره صو دستیسی کوچوک پارماقلری آراسنه آلدی. ایلک بهارک چنلر اوزرینه سرپدیکی شکوفه کونا کون اوزرنده یورومکه باشلادی. نظری، اوراق حضرا ایچنده انکشاف ایتمش برکک منظره طراوتنارینه، اوکک یاپراقلری اوچنده خیاط شمس ایله تلغ ایدن ژاله لری ایچمکه بولنان برککک حال نشئه فزاسنه متصادف اولدی. کلی، کلبکی چشم مشتاقانه سیله سوزدی.

دیده ملاحظه سی، قلب کدورت انتماسی بوکلی، بوکلبکی تبریک ایدیوردی. چونکه ایکی مشتاق جمال، نائل وصال اولمشدی. آنک ایچون بو، شایان تبریک بر حال ایدی.

[۱] «محمد جیل» امضاسیله اهدا بیورلشدرد.

بر آز اوتده کوزلری، هنوز آچیلده دن خزانزده غبار فنا اولان بر سنبله توجه ایله دی. بو محصول بهارک حال برملانه قارشى برایکی قطره سرشک اسف کیریکلرینک اوجه آصیلدی. زیرا ید قدرت، بونی وقتستر صولدورمش، سو کیلیسندن محروم ایتمشیدی. ایشته بو صورتله کتاب طبیعتی تدقیق و مطالعه ایده ایده چشمه یه تقرب ایله دی. دستی پی اورایه براقدی. کوزلرینی، سماءه اوچوشان سخا به عطف ایتدی. بلوطک ایچنده بر خیال کوردی. بردن بره بکزی تحول ایتدی. اختلاجات قلبیه دال اولان شدتلی شدتلی نفسلر کوکسی قبارتمغه باشلادی. غیر اختیاری اوله رق شوکله دوداقلری آراسندن دوکولدی: — احمد!

صوکره وجود نازنینی ستر ایدن بیاض کوملکینک اتکلی قالدیردی. کوزلرندن سیلان ایدن اشک هجرانی سیلیدی. زواللی قیز، بیچاره معصوم سو کیلیسندن هجور اولمشیدی.

هجراڻ، اوایله بر بلای تحملمفر سادر، که مبتلا اولان زواللیلر، نه قدر اساله دموع ایتمش اولسلر یته تخفیف الم واضطراب ایده مزلر!



بدایع فنیه و صناعیه

چینلیرده عادت وضع حمل

تفرعات حیاتیله لرینک هر برنده باشقه بر اثر غرابت، بر طرز مبیانت کورولن چینلیرده بر عادت عجیه ده موجود ایتمش: بر چو جوغک هنکام تولدنده والده سنک

یرینه، پدری قونداغی قوجا قلا یوب لغوسه دوشکنه یاتهرق قادیسک اقربا واحباسی طرفدن اجرا اولنان مراسم تبریکیه مقابل ایفای تشکر و معامله مهمانوا زویه قیام، قادین ایه، ادای وظائف یومیه تسویه لوازم بیتیه کافی السابق دوام ایلمش.

اقتصادی چین و ترکستانده بک زیاده متداول بولنان بو عادت حیرت فزایه دأر سیاحین معتبره و علمای احوال ملل جانبندن درمیان اولنان روایات هب یکدیگرینه تطابق ایتمکه برابر اسبابی حقنده بیان اولنان افکار یکدیگرینه بک مخالفدر. مدت مدیده چینه کشت و کدار ایده رک، اونوا حینک عادات و اصولنه کسب و قوف ایله مش اولان موسیو (ارنست مارتن)، (رهو و سیاتیفیک) نام رساله فنیده بو بابده شایان نقل و ترجمه بک چوق معلومات اعطا ایله یور.

محرر مومی الیه، بو عادتک غروسلانده، قنادا، قورسیقه، آفریقا و آمهریقانک بعض قبائلی نزدیکه مرعی بولندیغنی محقق عد ایدیور.

طبیعیوندن و بحث احوال بشر علماسندن موسیو (دوقا تر فاز) بو اصولک وحشت قدیمه بک بقایاسندن اولدیغنه ذاهب بولندیغنی حالده، مشاهیر جغرافیوندن موسیو (ره قلو) کندی زعنجیه بونی پدرک — طوغان چو چوق کندی صابندن اولدیغنی اظهار و اقراردن کنایه اوله رق — تعقیبه مجبور اولدیغنی بر دأب و آیین صورتنده تلقی ایدیور.

اولکیسینک افکارینه باقیلیرسه، صورت دائمده انواع مهالك و خطر اته دوچار بولنان وحشیلر، هر آن کرتار اولدقلری شدانده مقابله و اصول معیشتلرنجه ظهور ایدن مساعی نی دفع و تهوین مجبوریتنده بولندقلرندن ووقایه حیات و نفسی مستلزم اولان بووظیفه مجبره نك ایقاسی اك زیاده از ککارک عهده

ذمتلرینه مترتب بولندیغندن، پدرک عالمه سی میانشده هر کسندن زیاده عزیز بنیلدیکی کندی ثمره فوادیغنی باغیرینه باصمه سی و آنک استکمال اسباب استراحتنه بالذات اقدام ایله مه سی، عقلاً قبول اولنه حق بر کیفیتدر. موسیو (ره قلو) ایه، پدرک وضع حمل وارضای تقلید ایتمه سی یا لکزر امر تناسله مالک اولدیغنی حق پدرانه یی اثبات ایچون اولدیغنه معتقد بولنیور.

موسیو (مارتن)، (آمازون) نه ری سواحلنده اسکان ایدن جمعیتلر کبی بعض قبیللر میانشده، بو عادتک دهاشدید بر صورتده جاری بولندیغنی افاده ایدیور. کویا بو کبی اقوام آراسنده، چو چوق بطن مادر دن دوشر دوشمز، آناسی یرندن فرلایوب یاتاغنی قوجه سینه ترک ایدر، بوده در حال لغوسه مقامنه کچرک — کویا چو جوغنی طوغوران کندیسی ایش کبی — آجی آجی فریادلر، حزین حزین افغانلر قوپار مغه و وضع حملی متعاقب قادیلرله عارض اولان اوجاع و آلامی تقلید ایتمکه باشلار ایش، بوراده خاطره بر سؤال توارد ایدیور: یا، بویله بر عادت، شرائطنه لایقیه رعایت ایلده دیکي حالده والده نك بنیان عافیت و بلکه اساس حیاتی بیله مترزل ایدن و برقاعده مبرمه طبیعه حکمنی احراز ایش اولان تقیدات صحیه ایله، ناصل تألیف قبول ایدر؟ عادت مذکور نك ملل متقدمده موقع تطبیقه قونلیدیغنی حالده باشقه یولده، اقوام وحشیه آراسنده اجرا ایلدیکی صورتده ایه سینه باشقه بر یولده، نتیجه لر حاصل ایده چکی دوشونیله جک اولورسه، سؤالزه بر جواب کافی بولنمش اولور.

نوع ثانیده، وضع حملک سریمه و قوع بولمه سی و عکس عمل حاصل ایتمه مه سی قادیلرک قوت بدنیلرینک بقاسنه بک بیوک مدار اولور. یعنی انشای وضع جمله هیچ بر عکس تأثیر حاصل اولما غله قوای بدنیه

اصلاً خلل عارض اولماز، بدن هیچ صار صلاز. بنی بشرک اجناس سفلیه سنی تشکیل ایدن وحشیلره قدر واریمه لم: اقوام متقدمه نك کویلو اهالیسی نزدیکه بیله عین حالک و قوعی کوروله بیایر، قادیلری اوجاع حلیدن اك زیاده متأثر اولمایان عرق اصفردر. آلام مذکوریه اك زیاده سببیت و یرنده، حرکت اعصابدن ایلری کله بر اثر در. وحشی بر قادین دوغوردیغنی زمان هیچ برالم حس ایتمز، هیچ برخستله ق کورمز، متدن بر قادین سالماً قور توله بیلیرسه، تجدد حیات ایش اولور. برده شونی علاوه ایدلم که بو عادتک قدیمه دخی بعض ملل و اقوام نزدیکه جاری و موجود بولندیغنه تاریخدهده متعدد اثرلره تصادف اولنور. مثلاً: تاریخ میلاددن اوچ عصر مقدم ظهور ایدن (Apollonius de Rhode) نام شاعر (آرغونوتر) دیارینه اجرا ایش اولدیغنی بر سفری نقل ایتدیکی صرهده، (پونتوکش) یعنی قره دکرک ساحل شرقیسنده مقيم بر قبیلله نزدیکه بو عادتک مرعی طوتلیدیغنی یازمشدر. آسیایه اختیار سیاحت ایده رک مغول سرکرده لرندن (قوبلای خان) ک سراینده مدت مدیده اقامت ایدوب اورادن عودتندن صوکره یازدیغنی «سیاحتنامه» واسطه سیله آوروپالیرله ایلک دفعه اولق اوزره شرقه متعلق بک چوق معلومات اعطا ایله مش اولان ایتالیالی (مارقوبولو) نام سیاح، ترکستان چینی دهده بو حالی مشاهده ایله مش اولدیغنی سویلر.

مسین دانشه

— — — — —

﴿ حمای تیفوئیدی ﴾

﴿ حقنده آهریقالی برطیبیک مطالعاتی ﴾

طیب مومی الیه دیورک: « حمای تیفوئیدی » دینان مرض مهلکدن آهریقاده